




ՊԱՇՏՈՆԱԿԱՆ

ՆՈՐԻՆ ՎԵՀԱՓԱՌՈՒԹԵԱՆ ՏՆՕՐԷՆՈՒԹԻՒՆՆԵՐԻՑ.

Նորին Սրբութեան մակագրութեամբ յանձնուեց **ս. Էջմիածնի Սինոդին Մեծարդոյ պ. Յարութիւն Պապովեանի Դպրոցական ֆօնդի օգտին փոխադրած տասն հազար (10,000) ռուբլու № 506292 փոխանակագիրը: 31 մարտի, թ. 462:**

Դիւանի գրութիւններով մանրամասն տեղեկութիւններ պահանջուեց Կարնոյ և Վասպուրականի թեմերի Հայոց առաջնորդներից ըրդական վերջին շարժումների մասին: **31 մարտի, թ. թ. 463, 464:**

Դիւանի գրութեամբ թոյլ տրուեց Մայր Աթոռի միաբան Աբէլ արեղային մկրտել Բերլինարնակ Հետուիզ և Յակովբ Երամիշեանների երեխաններին Հայոց եկեղեցու ծիսով նոցա զրաւոր խնդրի համաձայն: **2 ապրիլի, թ. 479:**

Կոնդակ օրհնութեան Տփլիսի Հայոց Հոգևոր Ներսիսեան դպրանոցի ուսուցիչ **պ. Իսահակ Յարութիւնեանի անունով՝ նորա 30-ամեայ գրական գործունէութեան և 25-ամեայ մանկավարժութեան յոբելեանի կատարման առթիւ: 13 ապրիլի, թ. 502:**

Նորին Սրբութեան մակագրութեամբ յանձնուեց ս. Էջմիածնի Սինոդին Սամսոնի Մարգուկանի Կոլէճի հայ ուսանողների և ուսանողուհիների յօգուտ Դպրոցական Փօնդի ուղարկած ութսուն հինգ ուրբ. 50 կ. գումարը: 15 ապրիլի, թ. 503:

Նորին Սրբութեան մակագրութեամբ յանձնուեց ս. Էջմիածնի Սինոդին Դերբենդցի պ. Յովսէփ Կիրակոսեանի փոխադրած յօգուտ Դպրոցական Փօնդի երկու հարիւր յիսուն և մի ուրբ. 51 կ. (251 ո. 51 կ.): 15 ապրիլի, թ. 507:

Կոնդակ պ. Արտաշէս Սարեանի անունով, որով կարգուեց նա Բաթումում Մայր Աթոռի գանձանակադրամների և այլ նուէրների գանձապետ. ուղարկուեց նաև մի հատ ժապաւինեալ մատեան նուէրներն արձանագրելու համար: 21 ապրիլի, թ. 563:

Նորին Սրբութեան մակագրութեամբ յայտնուեց Կոմսուհի Ելիզաւետա Անդրէէնա Վորոնցով-Դաշկովային, ի հետևումն նորա գրութեան, որ Նորին Սրբութեան հրամանով ս. Էջմիածնի Սինոդն արդէն փոխադրել է վանքի կողմից երկու հարիւր ուրբի՝ հարսւային Ռուսաստանում փոթորկից ֆնաստւածների օգտին, և հետագրերով պատուիրուեց բոլոր Հայոց թեմակալ առաջնորդներին, որպէս զի նոքա ևս զրամական նուէրներ ժողովել տան և ուղարկեն ըստ պատկանելեաց: 22 ապրիլի, թ. 564:

Նորին Սրբութեան մակագրութեամբ յանձնուեց ս. Էջմիածնի Սինոդին Եւրոպայի Հայոց առաջնորդ Տ. Գէորգ արքեպիսկոպոս Իւթուճեանի անցած ապրիլի 9/22-ի, թ. 2627 գրութեամբ ուղարկած յօգուտ Դպրոցական Փօնդի մի հազար երկու հարիւր երեսուն և չորս ուրբ. 55 կ. (1234 ո. 55 կ.) փոխանակագիրը: 24 ապրիլի, թ. 579:

Նորին Սրբութեան մակագրութեամբ յանձնուեց ս. Էջմիածնի Սինոդին Նոր-Նախիջևանից երդուեալ հաւատարմատար պ. Գրիգոր Սաչերեսեան Չալսուշեանի ուղարկած յօգուտ Դպրոցական Փօնդի մի հազար ութ հարիւր յիսուն ուրբի (1850 ո.): 24 ապրիլի, թ. 580:

Նորին Սրբութեան մակագրութեամբ յանձնուեց Մայր Սթոռի Տպարանի վարչութեան Զաւայի Սուրբայա քաղաքի Զորապ-Մեսրոպ Լնկ. ուղարկած մի ոսկու № 30/314 փոխանակագիրը և պատուիրուեց ստացման անդորրագիրն ուղարկել Լնկերութեան: 24 ապրիլի, թ. 587:

Դիւանի գրութեամբ տեղեկութիւն տրուեց Եւրոպայի Հայոց թեմի առաջնորդ Տ. Գէորգ արքեպիսկոպոս Իւթուճեանին Նորին Սրբութեան անունով ուղարկած յօդուտ Դպրոցական Փօնդի մի հազար երկու հարիւր երեսուն և չորս ուր. 55 կ. (1234 ո. 55 կ.) փոխանակագրի ստացման և ս. էջմիածնի Սինօղին յանձնելումասին: 24 ապրիլի, թ. 599:

Կոնդակ գոհունակութեան և օրհնութեան Գանձակեցի պ. Ղևոնդ Յովհաննիսեանի անունով Գանձակի ս. Յովհաննէս եկեղեցուն նուիրաբերած 500 սաժ. հողի առթիւ: 24 ապրիլի, թ. 600:

Կոնդակներ Վրաստանի, Շամախու և Աստրախանի Հայոց թեմակալ առաջնորդների անունով, որոնցով պատուիրուեց, որ աջակցութիւն ցոյց տան Երևանի փոխթեմակալ Տ. Խորէն եպիսկոպոսին, երբ վերջինս Երևանի թեմական Դպրանոցի 75-ամեայ յորելեանի հանգանակութեան գործով գնալու լինի Տփլիս, Բագու և Հիւսիսային Կովկասի հայաբնակ քաղաքները: 24 ապրիլի, թ. 603, 604 և 605:

Նորին Սրբութեան գրութեամբ յայտնուեց Կոյրերի Հոգաբարձութեան Նախագահ Կոմսուհի Ելիզաւետա Անդրէնա Վորոնցով-Դաշկովային, որ շրջաբերական գրութիւններով յանձնարարուեց բոլոր Հայոց թեմակալ առաջնորդներին, որ մայիսի 10-ից մինչև 19-ը գանձանակ շրջեցնեն Կոյրերի օգտին և գոյացած դրամն ուղարկեն Հոգաբարձութեան Խորհրդին: 28 ապրիլի, թ. 615:

Դիւանի շրջաբերական գրութիւններով ուղարկելով Կուրաց Հոգաբարձութեան Նախագահ Կոմսուհի Ելիզաւետա Անդրէնա Վորոնցով-Դաշկովայի գրութեան վաւերական

պատճենները՝ առաջագրուեց կարգադրել բոլոր Հայոց եկեղեցիներում մայիսի 10-ից մինչև 19-ը գանձանակ շրջեցնել կոյրերի օգտին և գոյացած գրամն ուղարկել կուրաց հոգաբարձութեան 28 ապրիլի, թ. թ. 617—622:

Նորին Սրբութեան մակագրութեամբ պատուիրուեց ս. Էջմիածնի Սինօդին կարգադրել, որ Ղարաբաղի կոնսիստորիայի փաստաբան Բաբաքեխեանը անձամբ գնայ Ամարասի վանքը, եթէ անհրաժեշտ է, նաև Շուշի, որպէս զի վերջնի բոլոր փաստաթղթերը, ծանօթանայ առտեղեաւն կալուածների ներկայ վիճակի հետ և սկսի անհրաժեշտ դատերը՝ Ամարասի կալուածները պաշտպանելու համար: 30 ապրիլի, թ. 638:

Նորին Սրբութեան մակագրութեամբ պատուիրուեց Մայր Աթոռի Տպարանի Վարչութեան ուղարկել Ղարսի փոխանորդ Տ. Երեմիա վարդապետի միջոցով Ղարսի բանտի գրադարանին կրօնական բովանդակութեամբ ընթերցանութեան գրքեր: 30 ապրիլի, թ. 640:

ՆՈՐԻՆ ՎԵՀԱՓԱԹՈՒԹԵԱՆ ՊԱՐԳԵԻԱՏՐՈՒԹԻՒՆՆԵՐԸ.

Կոնդակ Տիրխիսի Կուսանաց վանքի սարկաւազունի կոյս Հռիփսիմէ Ղանեանցի անունով, որին՝ թեմի առաջնորդի և մայրապետի միջնորդութեան համաձայն, արժաթեայ լանջախաչ կրելու իրաւունք շնորհուեց: 5 ապրիլի, թ. 488:

Կոնդակ նոյն Կուսանաց վանքի սարկաւազունի կոյս Կատարինէ Գուրուբեանցի անունով, որին նոյնպիսի արժաթեայ լանջախաչ կրելու իրաւունք շնորհուեց: 5 ապրիլի, թ. 489:

Կոնդակ նոյն Կուսանաց վանքի սարկաւազունի կոյս Գայիանէ Ալիսանեանի անունով, որով նոյնպիսի արժաթեայ լանջախաչ կրելու իրաւունք շնորհուեց: 5 ապրիլի, թ. 490: